

Шочмо эл, порылык да чын верч!

Будь готов!

6-шо (3550) №,
2022 ий 11 февраль,
кугарня.

Ямде лий



1933 ий 1 февраль годсек лектеш.

0+

Эфирьште – Эчук ден Пампалче



Авторын фотожо.

13 февраль –
Радион тўнгамбал
кечыже.

«Поро жапда лийже. Тендан дене ме, Эчук ден Пампалче, улына», – Марий Эл радиошто «Ямде лий» дене йолташ лий» йоча передаче кажне рушарнян тыгай шомакла дене тўнгалеш. Йоча газетыште илыше курчак-влак Эчук ден Пампалче да вўдышө Жанна Фёдорова ты передачым ик ий наре ямдылат. Нуно кушто гына лийын да радиом колыштшо-влакым кө дене гына палымым ыш-

тен огытыл!? Теве Йошкар-Оласе 10-шо номеран школышто тўнгалтыш класслам туныктышо Елена Семёновна Зыкова да тудын Таня ден Даша ўдыржө-влак дене передачым шукерте огыл ямдыленыт. Нуным снимкыште ужыда. Ўдыр-влак авашт гаяк чолга улыт. Таня Йошкар-Оласе 4-ше номеран гимназийын 4-ше классыштыже тунемеш. Даша 27-ше номеран йочасадыш коштеш.

– Марий улмем дене кугешнем. Икшывем-влакым марий шўлышаным куштем. Шочмо йылмым йораташ, тудын поянлыкшыым умылаш «Ямде лий» газет, «Кече» журнал, радио полшат. «Ямде лий» дене йолташ лий» передачым ешге колыштына. Таня ты передачын унаже лиймылан моткоч куанен, – оила Елена Семёновна.

Е.ИВАНОВА.

Чын корным

14-18 февральыште Марий Элыште «Молодые профессионалы» (WorldSkills Russia) X открытый регионисо чемпионат эртаралтеш. 360 участник (нунын коклаште – 37 юниор) 7 профессий дене усталыкшым терга. 14-16 ияш юниор-влак кермычым опташ, предпринимательын пашажым лончылаш, бизнеслан программим келыш-



тараш, парикмахерын мастар-

Усталык ончыкта

лыкшым ончыкташ, электромонтажым ышташ тўналыт. Школьник-влаклан ончыкылык профессиим чын ойырымо нерген программем лиеш. Тыгодым танасымашлам онлайн ончен кертыт, онлайн мастер-класс-влак, республикысе колледж ден техникумла гыч виртуальный экскурсийла темлалтыт.

Сенгыше-влак майыште Саранскыште (Мордовий) эртаралтше «Молодые профессионалы» X Национальный чемпионатын финалыштыже танасаш тўналыт.

Л.ГРИГОРЬЕВА ямдылен.



Российысе увер

Шочмо элым аралышын кечыжлан пӧлеклалтше «Есть такая профессия – Родину защищать» всероссийский онлайн конкурс 9 номинаций дене эртаралтеш. Йодмашым, пашам **23 февраль марте** колташ лиеш. Тўрыс уверым soyuz-kultura.com сайтыште лудса.

Йоча да студент-влак, «Пушкин карте» дене пайдаланен, Москосо Сенгымаш тоштерысе «Подвиг народа» ончырыште экскурсийым онлайн эртен кертыт. Тўрыс увер – victorymuseum.ru сайтыште.

Кажне кумылан ег «Песни Победы» тўнямбал муру конкурсыш ушнен кертеш. Куд номинаций уло. Йодмашым да пашам **15 март марте** колтыман. Тўрыс уверым vsekonkursy.ru сайтыште ончыман.

Марий Элысе увер

Эрла, **12 февральыште**, Т.Евсеев лўмеш Национальный тоштерыште «Евсеев. FEST» усталык фестиваль эртаралтеш. Ончер почеш экскурсийым эртарат, мастер-классым ончыктат.

Йоча, студент, туныктышо-влакым «Школа безопасности – школа жизни» республикысе конкурсышко ушнаш ўжыт. Видеом войзыман але презентацийым ямдылыман да **15 май марте** shb-rme@yandex.ru адрес дене электрон почтыш колтыман.

Республикысе марий тўвыра рўдер «Уярня» йоча пайремым тений онлайн эрара. Йодмашым **1 март марте** mari-centr_konkurs@mail.ru адрес дене электрон почтыш колтыман.

Историйым шергалына

15 февраль – Шочмо элdech ӧрдыжтӧ служебный порысым шуктышо-влакым шарныме кече. 1989 ий тыкечын Афганистан мланде гыч совет войскам лукмо.

1916 ий 16 февральыште, Икымше тўнямбал саргодым, Ч.Ч.Юденичын вуйлатыме руш войска Эрзерум турко орым сейен налын.

Математике келша

Мый 2-шо классыште тунемам. Классыште – 14 йоча. Ме вашла полшен, келшен илена. Мыланем математике урок келша. Примерым, задачым ышташ моткоч йӧратем.



Егор ВИНОГОРОВ.
Кужӧнер, Конганур.

Кайык таушта



Фотом школ архив гыч налме.

Марий йылме урокышто кайык-влаклан полшымо нерген мутланенна. Кызыт лум шуко, кочкышым муаш неле. Садлан ме школ ончылно уло кормушкыш кинде пудыргым, кечшудым, шўрашым оптена (снимкыште). Орш, киса, пӧрткайык-влак чонештен толыт, ўчашен-ўчашен кочкыт. Укшыш шинчын муралтат, пуйто тауштат. Ме нуным окна гыч куанен ончена.

Екатерина ИВАНОВА.

Медведево, Турша.





РДШ мыланна тунемаш да мастарлыкым вяндаш кумда корным почеш. Школьник-влакын россиясе толкыныштын марий полкаже пашам чолган ышта. Ме, Коркатово лицейын активистше-влак (**снимкыште**), «Компас добровольчества» проект почеш шуко поро сомылым шуктенна. «Весенняя неделя добра» акций радамыште ветеран-влаклан полшенна, памятник йыр, ер серыште арулыкым эскеренна.

2021 ийыште «Добро не уходит на каникулы» всероссийский конкурсышто сененна. Тидым эн кугу паша лектышлан шотлена. Лице-



Фотом школ архив гыч налме.

йыште «Волонтёром быть здорово» неслётым эртаренна.

Ўдыр-рвезе-влак түрлө конкурсышко ушнат. Теве кадет Даша Михайлова пүртүсын моторлыкшым ужын мошта. Тудо «Фокус» фотоконкурсышто тагасен. Ангелина Гаврилова «По стопам истории» всероссийский конкурсын заочный йыжыгыш-

тыже сенен

да Смоленскыште эртаралтше финалышке миен.

Школьник-влакын россиясе толкынышт АЙДЕМЫМ кушташ полша. Йоча-влак, теат чолга лийза.

Изи ошкыл – кугу сенымаш



Валерия ИВАНОВА.

Морко район.

Оборонно-массовый да военно-патриотический паша месячник радамыште Марий Элысе школлаште тунемше ўдыр-рвезе-влак «**Письмо солдату**» всероссийский акцияшке ушненыт. Шочмо эл дене кугешнен, салтак-влаклан вуйым савен, тауштен, серышым возеныт. Кум лукан письмам ыштен, моторын сорастареныт. Серышым 20 февраль марте возаш лиеш.

Увер



Лийже веле кумылет

Школьник-влакын россиясе толкынышкышт кум ий ончыч ушненам. Толкын илышыштем кугу верым айла. Мый түрлө конкурсышто, акцияште чолгалыкемым ончыктем. Тыге шуко йолташым вашлийынам, шинчымашем келгемденам. РДШ мыланна түрлө могырым вянаш йоным ышта, ятыр направленийым темла. Кумылет веле лийже. Мыланем медийный да военно-патриотический направлений-влак лишыл улыт.

Ангелина ПРОХОРОВА.
Медведево, Руэм.

Увер

Блогер, маркетолог, журналист профессийла дене лишкырак палыме лийнеда? Тугеже «**Медиацентры РДШ**» всероссийский проектыш ушныза.

Түрыс увер – рдш.рф/competition/ сайтыште.



Полшаш ямде

Софья Белоусова (**снимкыште**) Оршанке район Лужбеляк школын 5-ше классыштыже тунемеш. Тудо кажне еглан полыш кидым шуялташ ямде. Шкенжым волонтерлан шотла.

– Тиде пашалан Катя акамым ончен кумыланынам. Тудын гаяк чолга лийнем. Палем, волонтерын пашаже шуко. Тудо нимо деч лүдшаш огыл. Мый илалше-влаклан полшем, кайык-влакым пукшем, йолташемшамыч дене пырля чапкү воктене, урмыште арулыкым эскерена. Тунемше-влакын россиясе толкыныштын школысо ушемшыкыже кодшо ийын ушненам. Түрлө конкурсышто вием тергем. Проект-влакым возаш тунемам. Икымше пашам «Добровольчество да волонтерство – мыйын ешыштем» лийын, – ойла Софья.



Е.ИВАНОВА.
Авторын фотожо.



Физкультура

Ар-наш те куд гана 3-4 шагат дене спортзалыште жапым эртарашмын чытыш

да вий лийман?! Медведево район Руэм школын 4-ше классыште тунемше Юлиана Пидаева (снимкыште) тидлан жапым ок чамане: тудо кумдан палыме спортсменке лийнеже.

– Ныл ияшыж годым спорт гимнастике дене олимпийский резерв спорт школыш кошташ тӱнгалынна, – ойла ӱдырын

Сенымашым тапта

аваже Наталия Николаевна. – Ик-кок занятийыш миен толмеке, Юлианалан келшен. Тренер Н.М.Бойкова тудын лывыргылыкшым ужын, умбакыже шуаралташ темлен. Спортын ты видше дене кудымшо ий кылым кучена.

Спорт школышто кажне ийын разрядыштым пенгыдемдат. Юлиана кугыен-влакын спорт гимнастике дене кумшо спорт разрядыштым кодшо ийын налын. 2021 ийыште Марий Эл Республикын первенствыштыже кокымшо верыш лектын.

– Тыгай сенымаш-влак ончыко каяш вийым ешарат, – ойла самырык спортсменке.

Е.ИВАНОВА.

Фотом еш архив гыч налме.



Увер

Марий Элын самырык футболистше-влак мини-футбол (футзал) дене школ команде-влак коклаште Всероссийский тагасымашыште вийкуатыштым тергенит. Спорт мероприятий, «Мини-футбол – в школу» россиясе проект дене келшышын, 4-9 фев-

ральыште Угарман кундемсе Городецкий районышто эртаралтын. Марий Элын чапшым Звенигово район 1-ше номеран Красногорский школышто тунемше рвезе-влакын кок командышт, Йошкар-Оласе 17-ше номеран да Килемар школ-влакын ӱдыр-шамыч командышт араленыт.

Ий ӱмбалне

Ачам почмо кечемлан коньким пӱлеклыш. Эрлашыжым, ешге йолъечым чиен, ий ӱмбак мунчалташ кайышна. Эн онгайже: ачам коньки дене мунчалтен ок мошто улмаш. Ты кечын тудо шуко гана лумышто почане. Мӱнгӱ кайымышкына, сайын мунчалташ тунем шуо.

Александра НИКОЛАЕВА.
Морко, Унчо.



Фотом еш архив гыч налме.

Тале ечызе лийнем

Ешна ече спортым пагала. Дима изам – тале ечызе. Тӱрлӱ тагасымаште ончыл верым налеш. Ачам школышто тунеммыж годым тале спортсмен лийын. Н.К.Крупская лӱмеш Марий педагогический институтын спорт факультетшым тунем пытарен. Авам каныш кечын ече дене мунчалта. Мыят ече ӱмбаке куанен шогалам (снимкыште). Районысо тагасымашлаште вием тергем. Изам гаяк тале ечызе лийнем.

Диана МАЛИЧЕНКО.
У Торъял, Немда.



Пенгыдемын кушкына

Йӱштӧ теле пӱртӱс чоным куандара, уремышке ӱжеш. Ме курык гыч издер, ече дене мунчалташ йӱратена. Ондак кугу курык гыч волак денат волена ыле. Ынде тудым ватрушко алмаштен. Пӱя ӱмбалне коньки дене мунчалтыше йочамат ужаш лиеш. Тазалыкым изинек шуарыман. Тунам пенгыде капкылан кушкат.

Ксения БОГОЛЮБОВА,
Арслан МИХАЙЛОВ,
Ангелина ВАСИЛЬЕВА.
Морко, Коркатово.

Цифр ден факт-влак

Марий Эл Республикыште пытартыш ийлаште шуко спорт объект чоҥалтеш. Кызытеш 1716 спорт сооружений уло. Самырык тукымым 14 тӱнеж (5 спорт школ, олимпийский резерв 7 спорт школ, Олимпийский резерв училище, паралимпийский резерв спорт адаптаций школ) спортлан шӱманда. Спорт школ-влак районлаште да олаште филиал-шамычым (чылаже – 7) почыт.

Кажне икшыве уста

Волжский район Мучашьер ялыште усталык шўлышан, чолга Кудрявцевмыт еш (снимкыште) ила. Тудо 2020 ийыште «Идалыкын ешыже» всероссийский конкурсын «Йўлам аралыше» тагасыштыже сенгышыш лектын. Ача-ава-влак марий калыкын тўвыраже, йўлаже дене икшывыштым изинек палдарат, кидпашалан шўмандат.

Алексей Леонидович ден Екатерина Арсентьевна 20 ий утла икте-весылан эгертен, вашла пагален илат. Суртоза ик приятыйыште телемеханик-инженерлан пашам ышта, озавате – районысо клуб системын, Олыкъялысе З.Ф.Прохоров лўмеш тоштерын вуйлатышыже. Нуно вич икшывылан ош тўням пўлекленыт.

Вич шўдыр

Эн кугужо – Андрей – Волгатехын «Мехатроника и робототехника» специальность дене 3-шо курсын студентше. Яра жапыште «Кречет» клубышто ондакысе рыцарь семын керде дене кредалаш тунемеш. Егор Марий кугыжаныш университетыште 1-ше курсышто шинчымашым пога. Тудо англичан да немыч йылмылам келгын шымла. Интернет полшымо дене фокусым ончыкташ тунемын. Йошкар-Оласе урмыште калыкым куандара. Кумшо икшыве – Софья – Шарача школышто 8-ше классын тунемшыже. Школысо да районысо конкурслаште мастарлыкшым ончыкта. Кушташ йората. Физике, математике, руш литератур, обществознаний, историй предметла дене олимпиадыште уш-акылжым терга. Ёмаште обществознаний дене районысо олимпиадыште 1-ше верыш лектын. Павел 5-ше классыште шинчымашым пога. Рвезе компьютерлан шўман. Кугурак изаже-влак деч шукулан тунемеш.

Синквейн

Ава

Йоратыме, ныжыл.

Туныкта, умылтара, шылтала.

Икшывым ончыко вўдышў.

Кава.

Дмитрий ЕГОРОВ.

Морко, Шўргыял.

Эн изи икшыве – Мирон. Отымбал школын 1-ше классышыже коштеш. Сўретлаш йората.

Пу гыч – пўкен, саргурал

Ўдыр-рвезе-влак ача-аван ўшанле полышкалышыже



Фотом еш архив гыч налме.

Алексей Леонидовичын ик эн йоратыме сомылжо – пу гыч тўрлў арверым ыштымаш.

– Тидлан школ жапыштак кумылавынам. Кызыт пўкенным ыштем. Мыланем пу гыч кельштарыме арвер-влакым кучылташ келша. Нуно чоным ырыктат. Ёпшышт могай! Пўкен-влакын йольыштым ойыртемалтышым ышташ тыршем, сўрет дене сўрастарем, – ойла суртоза.

Пу гыч пўчкедаш эргыже-влакым туныкта. Кызыт телефоным шындаш келшыше



подставкым шонен луктыныт. Павеллан мотор саргуралым ыштеныт. Рвезе урмыште тудын дене куанен модеш.

Марий йўла ила

Екатерина Арсентьевна ден Софья сурт сомылкам пырля тўрлатылыт. Кидпашаланат жапым муыт: крочок дене пидыт, ургымо машина дене ургат, ырес дене тўрлат. Ава йоча-влакым марий тўвыралан изинек кумыландат:

– Тоштерыште марий калык дене кылдалтыше ятыр фильмым войзена. Шукерте огыл Шорыкйоллан музыкальный комеди-йым ямдыленна. Софья тушто тўн рольым модын. Шошым еш дене Агавайремыш лектына. Моло пайрем йўла денат палдарена. Ял калык дене марий пайрем-влакым эртарена.

Моло калык-влакын йўлашты, тўвыраш денат палыме лийышт маннын, Кудрявцевмыт кажне ийын тўрлў кундемшыке лектын коштыт. 2019 ийыште Архангельский областыште верланыше Соловецкий монастырьыш миеныт, ёмаште – Волгоград олашке. Тыге йочан тўняумылымашыже кумданеш.

– Айдеме ош тўняшке арамлан огыл толеш. Кажнылан икгай мастарлык огеи пуалт, садлан йочан усталыкшым жапыштыже ужын шуктыман да виянашыже йўным ыштыман, – ойлат ача-ава.

Х.АЛЕКСАНДРОВА.





– *И.С.Палантай лүмеш музыкальный училищым тунем пытарымеке, Кужмара селашке колтеныт. Совхоз вуйлатыше, кўсле дене шоктен моштымем нерген пален налмекыже, Моско гыч вич у кўсле налын конден да музыкальный школан пӧлеклен. Тиде семўзгар дене шокташ кумылан-влак лектыныт. Тыге ансамбль шочын,* – ойла Валентина Витальевна.

Ансамбль ий гыч ийыш виянын, кушкын, тўрлӧ конкурсышто мастарлыкшым ончыктен. Икмыяр жап гыч тудлан «Йонгалтыш» лўмым пуэныт.

– *«Йонгалтыш» рушлаже «звенящий» манын кусаралтеш. Звенигово дене иксемьнрак шокта. «Йон» манмыже кўсле кылын йонгалтмыжым ушештара,* – ойла В.В.Костерова.

Кызыт ансамбльышке лупаткум ияш латкок ўдыр коштеш. Кажныжын кўслеже

Йонго, кўсле, тўня мучко!

Тиде семўзгар тачысе кечынат кўлешлыкшым йомдарен огыл. 2019 ий гыч кўсле Марий Эл Республикын национальный брендшылан шотлалтеш.

Теве Звенигово район Кужмара йоча сымыктыш школышто «Йонгалтыш» кўслезе ансамбль (снимкыште) 1986 ий гыч пашам ышта. Тудым В.В.Костерова вуйлата.

уло. Йоча-влак эн ончыч семўзгарын эртыме корныжо дене палыме лийыт, варагына шокташ тунемыт. Могайгына семым огыт лук: кумдан палыме йоча муру, куштымо сем гыч тўнгалын марий кўсле дене шокташ лўмын возымо муру марте. Шымлыме пашамат возат. Мутлан, Ульяна Степанова «Эти удивительные гусли» пашажым Чакмарий

ныт. Эн шергыже – республикысе йоча сымыктыш школла-се оркестр ден ансамбльла коклаште эртаралтше конкурс. Ёмаште тушто кумшо верыш лектыныт. Ёдыр-влак «Звените, гусли, над Кокшагой» тўнямбал, «Струны гуслей соединяют столетия» регионисо конкурслаште кажне гана мастарлыкшым ончыктат.



Фотом ансамбльын архивше гыч налме.

школышто эртаралтше ик мероприятийыште арален.

«Йонгалтыш» ансамбль эн кугу сенымашыжлан 2017 ийыште «Хранители наследия» тўнямбал конкурсышто Гран-прим налмыжым шотла. Ёдыр-влак тушто Звенигово вел куштымо семым шокте-

Ончыкыжым усталыкшым вияндаш, кугурак конкурслаште марий кўсле да семдене палдараш шонат. Самырык тукум тиде семўзгардене шокта гын, марий кўслен ўмыржӧ кужу лиш.

Х.АЛЕКСАНДРОВА.

Марий семўзгар

Уста кўслезе Ф.Эшмякован ойлымыж почеш, кўсле 5-6 тўжем ий ончыч лектын. Тудо кажне гаяк финн-угор калыкын уло. Кўслем шукуж годым куэ, ваштар, кокпан пўкшерме гыч ыштеныт. Кылжылан шорык шолым кучылтыныт. Эн ончыч кўсле 8 кылан лийын, ХХ курымын 30-шо ийлаштыже – 15 наре. 1938 ийыште П.Тойдемар ден М.Маркелов 28-30 кыл марте ешареныт. Курыкмарий мастер Р.В.Кашутин 35 кылан кўслем ыштен. Марий-влак тиде семўзгарым кўсотышто кумалме годым кучылтыныт. Мўкш онлан таушташ манын, кўсле дене эсогыл пушенге вуйышто шоктеныт. Тиде семўзгардене унам вашлийме, сўан, куштымо да моло семымат йонгалтареныт.

Материалым **О.М.Герасимовын «Народные музыкальные инструменты мари»** книгаже негызеш ямдылыме.

А.Р.Сидушкина марий кўсле дене профессионал семын туныкташ тўнгалын. 1960-шо ийлаште Курыкмарий район Микрӧк музыкальный школышто кўсле дене икымше класс почылтын.

Палаш онгай

Кызыт республикыштына Гарай Магсумьянов кўслем устан ышта.

Россий Федерацийысе цифровой виянмаш, связь да массовый коммуникаций министрствын окса польшыж дене лўкмо.

Рекламе.

М. ШКЕТАН ЛҮМӨШ
МАРИЙ КУРБҖЖАНЫШ
ДРАМЕ ТЕАТР

13/02 | 11:00

0+

Сказка
КОЛОБОК

13/02 | 16:00

6+

Мюзикл
3 Долгова | С. Яндукова
Мый Наппалче

КАССЕ 8(8362) 78-13-78 SHKETA.N.RU

Пургыж тылзе
леве шога гын,
шошо йўштө лиеш.
Калык пале.

11 февраль — Гитарын кечыже.

Сўретым чиялтыза.



Кайыклан кочмывер

Ик кечын окна гыч пўртүсүм эскерышым. Ала-кушеч пўрткайык чонештен тольо, лум ораш шинче. Окнаш ончен йўкланаш тўнгале. Чаманышымат, векат, кочмыжо шуэш.

Каныш кечын ачам дене коктын кайык-влаклан кочмыверым ыштышна. Окна ваштареш сакалышна. Ынде изам дене коктын кажне кечын тўрлө кочкышым оптена. Шулдыран изи йолташна-влакын чонештен толмыштым ужын да чогыматымыштым колын, меат моткоч йывыртена.

Алексей ЯГУЛБАЕВ.

1-ше номеран Морко школ.

Кайык-влаклан телым кочкышым муаш куштылгыжак огыл. Шулдыран йолташна-шамычлан кузе от полшо?! Мый кормушкышко пырчым, кинде пудыргым кажне кечын оптем. Кочмыверыш киса, пўрткайык, өрш толыт. Нуным эскераш пеш огай.

Шернур, Кукнур.

14 февраль — Шнуй
Валентинын кечыже.

Чот йоратем

Авам, ковам, кочам да мый — тиде мемнан еш. Авамдын лўмжө — Алёна. Снимкыште когыньнам ужыда. Кевытыште пашам ышта. Яра жапше годым крючок дене пеледышым пидеш. Лида ковам — сулен налме каньшыште. Мөнгыштө сурт сомылкам тўрлатылеш. Геннадий кочам школьшто пашам ышта. Мый 1-ше классын тунемшыже улам. Ешыштына келшен илена, ваш-ваш полшена. Авамым, ковамым да кочамым эн чот йоратем. Нуным Шнуй Валентинын кечыж дене саламлем.

Елизавета СЕМЁНОВА.

Марий Турек, Арбор.



Советский район Кукмарий школ гыч Матвей Воронцов (снимкыште) кайык-влаклан кочмыверым ямдылен.

Костя ШЕХУРДИН.



Фотом еш архив гыч налме

«Ямде лий» газет
Тўн редактор
Л.Н.ГРИГОРЬЕВА.
Индекс: П4696.
Тираж 1550 экз. Заказ
Формат — А-4-8.

https://vk.com/yamde_lii
<https://ok.ru/yamdelii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше: yamdelii.rf

УЧРЕДИТЕЛЬ-ВЛАК: Мари-
рий Эл Республикысе
культура, печать да калык-
влакын пашашт шотышто
министерстве, «Кугарня»
газет» кугыжаныш унитар-
ный казна предприятий.

Газетым редакцийыште по-
гымо да верстатлыме, «Марий Эл Республикысе
Правительствын типографийже» ООО-што ямде оригинал-
макет гыч савыктыме. Типографийын адресше: 424000,
Йошкар-Ола, Комсомольский урем, 112.

Газетым Кыл, информационный тех-
нологий да массовый коммуникаций
сферым эскериме шотышто федераль-
ный службын Юл кундем федеральный
округысо управленийыштыже регис-
трироватлыме.
Номер — ПИ № ТУ52-01335,
2021 ий 29 сентябрьыште пуымо.

0+

Печатьыш пуымо жап —
14-00,
фактически — 13-00

Авторын да редакцийын шоныма-
шышт тўрлө лийын кертыт. Серыш-
влак мөнгеш огыт колталт.
Ак — кутырен келшыне почеш.

Редакцийын да издательыне адресше:
424006, Йошкар-Ола, СССР Вооружённый
Вийын 70-ше идалькыше урем, 20-шо пўрт.
Тел. 8(8362) 45-22-82(факс)





Конкурс

Вика ден Артём
СУСУЕВМЫТ.
У Торьял, Шура.

Ангелина ОРЕХОВА ден
Василиса ИВАНОВА.
Медведево, Руэм.

Юля ден Артём
ПАЙГЕЛЬДИНМЫТ.
Морко, Масканур.



*ИЗО урок. 1-ше классыште тунемше
Артём тыршен чиялта. Туныктышо
воктекше лишемеш:
– Артём, сиретышет канде тӱс
веле коеш. Тушенгетше кушто?
– Тӱтан лийын. Тушенгым лум лебедын.*

**Пингвин-влакын шарфыштышт
улшо тӱс-шамыч тыртышлаште
ончыкталтыныт. Нуным келыш-
тарыза.**



23 ойырым муза.

Activity with penguins and colored dots. Each row shows a penguin, a circle with colored dots, another penguin, and another circle with colored dots.



6	+	4	=		+		=	15
+		+		-		-		-
	-	4	=	4	+		=	5
=		=		=		=		=
14	-		=	6	+		=	
-		-		+		+		-
5	+		=		-	4	=	4
=		=		=		=		=
	+	5	=		-	8	=	

Математике кроссворд

Интернетысе сурет-влакым кучылтмо.